

KNI A/S pillugu inatsisartut peqqussutaat

Pilersuineq, angalaneq, angallassineq, allakkerineq il.il. pillugit Kalaallit Nunaannut inatsimmi nr. 469-imi, 6. november 1985-imeersumi \$9 naapertorlugu makkuaajangersarneqarput:

KNI A/S-ip pilersinnejarnera

§ 1. Naalakkersuisut aktiaateqarluni ingerlatseqatigiiffimmik pilersitsissapput pilersinnejarnera 500 mio. kr.-ini aktiatigut aningaasaatilimmik.

Imm. 2. Ingerlatseqatigiiffik ateqarpoq KNI A/S.

Imm. 3. Aktiatigut aningaasaatit pissarsiarineqassapput Namminersornerullutik Oqartussat KNI Pilersuisoq A/S-imi aamma KNI Pisiffik A/S-imi aktiaataasa aningaasaliissutiginerisigut.

Imm. 4. Inatsisartut peqqussutaanni uani ingerlatseqatigiiffissuartut KNI-tut paasineqassaaq ingerlatseqatigiiffissuaq KNI A/S-ip aqutsisuufigisaa. Ingerlatseqatigiiffiit imm. 3-mi taaneqartut ingerlatseqatigiiffissuarmut tassunga ilaapput.

Imm. 5. IngerlatseqatigiifFissuarmi KNI-mi ingerlatseqatigiiffiit aktiaateqarluni ingerlatseqati-giiffiit pillugit inatsimmut aamma aktiaateqarluni ingerlatseqatigiiffinnut tunngatillugu inatsisi-liornernut allanut Kalaallit Nunaanni atortussanngortinneqarsimasunut ilaatinneqarput. Ingerlat-seqatigiiffissuarmi KNI-mi ingerlatseqatigiiffinni aktiatigut aningaasaatit ingerlatseqatigiiffiit pillugit inatsisini maleruagassat malillugit allanngortinneqarsinnaapput.

Ingerlatseqatigiiffissuup KNI-p ingerlatsinera

§ 2. Ingerlatseqatigiiffissuarmi KNI-mi ingerlatseqatigiiffiit nalinginnaasumik niuerermik tunngaveqarlutik quersuarniit pisiniarfinniillu niuerermik aamma allanik niuerermik tunnga-veqarluni ingerlatanik tamatumunnga atasunik siunertat malittarisassani allassimasut naapertor-lugit ingerlatsissapput.

Imm. 2. Ingerlatseqatigiiffiit ingerlatseqatigiiffinni aqutani tamakkiisumik ilaannakuusumil-luunniit pigisaminni suliffeqarfut allat suleqatigalugit allanillu ateqartitsillutik ingerlatsinertik ingerlassinnaavaat.

Imm. 3. Naalakkersuisut ingerlatseqatigiiffiit pisussaafflersinnaavaat nioqqutissanik ulluin-narsiutinik, inuussutissarsiornermut atortunik, ikummatisanik imerpalaasunik allanillu pilersui-nermi pisortat sullissinerat pillugu nalinginnaasumik niuerermik tunngaveqarnermk atugassa-qartitsilluni isumaqatigiissuteqartarnissaannut.

§ 3. Ingerlatseqatigiiffissuarmi KNI-mi ingerlatseqatigiiffiit KNI Pilersuisoq A/S-ip aamma KNI Pisiffik A/S-ip ingerlataasa ingerlanneqarnerat tigussavaat.

Imm. 2. TELE Attaveqaatit A/S-ip Kalaallit Allakkeriviata ingerlanneqarnera KNI Pilersuisoq A/S-imit ingerlanneqartoq kingusinnerpaamik 1. januar 1998-imi tigussavaa.

Imm. 3. KNI A/S-ip siulersuisui KNI Pilersuisoq A/S-ip umiarsuaateqarnermik bilitseerniar-finnillu ingerlatsinermik ingerlataqarnerminik unitsitsinissa pillugu pilersaarusrorlutilu naa-lakkersuisunut inassuteqaasiussapput. Naalakkersuisut umiarsuaateqarnermik bilitseerniarfennillu ingerlatsinerup tamakkiisumik ilaannakuusumilluunniit tunniunneqarnissaannik isumaqati-giissutit akuersissutigisinnaavaat, piumasaqaatigalugu nunaqarfinnik isorliunerusunillu ilaasunik angallassinikkut usinillu umiarsuartigut assartuinikkut sullissinerup ingerlaannarnissaat isumannaarneqassasut.

Ingerlatseqatigiiffit qilersorsimanatik inissisimanerat

§ 4. Ingerlatseqatigiiffissuarmi KNI-mi ingerlatseqatigiiffínnut malittarisassat, ingerlatsineq naatsorsuutitigullu pissutsit imatut aaqqissuunneqassapput ingerlatseqatigiiffit pisortaqarner-mut, ingerlatsinermut, allaffissornikkut aqutsinermut kiisalu allaffissornikkut, aningaasaqarnikkut ingerlatseqatigiiffissuarmilu naatsorsuutitigut nakkutilliineq eqqarsaatigalugit qilersorsimanatik inissimasussanngorlugit, tamatumuuna ilaatigut isumannaarneqassalluni Namminersor-nerullutik Oqartussanut tunngatillugu ingerlatseqatigiiffit immikkullarissunik aningaasaateqarnissaat naatsorsuutinillu ingerlatsinissaat aamma ingerlatseqatigiiffit ingerlataasa ilaasa pisortanit akiliivigineqartartut ingerlatallu ilaasa ingerlatseqatigiiffit suliffeqarfinnut allanut unammilleqatigiissutaasa akornanni erseqqissumik immikkoortitsisoqarsimajuarnissaa.

Imm. 2. Ingerlatseqatigiiffit ingerlatsissapput tunngaviit suliffeqarfinnut nalinginnaasumik niuerneq tunngavigalugu ingerlatsisunut atuuttut malillugit. Tamannattaaq atuuppoq pisortat sullissinerat pillugu pisussaaffinnut, Naalakkersuisut pisortat sullissinerat pillugu ingerlatseqati-giiffit Namminersornerullutik Oqartussanut isumaqatigiissuteqarnerisigut ingerlatseqatigiiffinnut suliassiissutaannut.

Sulisut

§ 5. Namminersornerullutik Oqartussani tjenestemandit, lnatsisartut peqqussutaanni nr. 14-imi, 30. oktober 1992-imeersumi § 11 naapertorlugu KNI Pilersuisoq A/S-imi aamma KNI Pisiffik A/S-imi sulisussaasutut atukkiussaasut pisussaapput Namminersornerullutik Oqartussat erseqqinnerusumik unnersuussinerisigut ingerlatseqatigiiffissuarmi KNI-mi ingerlatseqatigiif-fimmi suliinnarnissaminnut, ingerlatseqatigiiffissuarmi KNI-mi ingerlatseqatigiiffímmi atorfínissanngikkunik.

Imm. 2. Tjenestemandit imm. 1-imi taaneqartut allamik atorfminnissap soraarninngornissal-luuiniit tungaanut aningaasarsiaqarnissamik, suliartoqquneqariataarnissamut akissarsiaqarnissamik imaluunniit soraarnerussutisiaqarnissamik piumasaqaateqarsinnaanngillat, ingerlatseqati-giiffissuarmi KNI-mi ingerlatseqatigiiffímmi sulinertik pissutigalugu.

Imm. 3. Ingerlatseqatigiiffissuarmi KNI-mi ingerlatseqatigiiffit, tjenestemandit suliffeqarfisaat, akissarsianut il.il. akiliutigineqartunut aningaasartuutit Namminersornerullutik Oqartussat akilersimasaat utertillugit akilissavaat. Ingerlatseqatigiiffit piffíssamut sulisup ingerlatseqatigiiffinni ukiunut soraarnerussutisiaqaatigisassaanut Namminersornerullutik Oqartussat tjenestemandit soraarnerussutisiassaannut aningaasartuutaasa matussutissaannut soraarnerussutisiassanut akiliutit ingerlaavartumik akilersussavaat.

Atuutilerfia il.il.

§ 6. Inatsisartut peqqussutaat ulloq 1. juli 1997 atuutilerpoq.

*Imm. 2. Tamatumunnga peqatigitillugu Kalaallit Niuerfiata allangortinneqarnera pillugu inatsisartut
peqqussutaat nr. 14, 30. oktober 1992-imeersoq atorunnaarsinnejarpooq.*

Namminersornerullutik Oqartussat, ulloq 6. juni 1997

Lars Emil Johansen

/

Peter Grønvold Samuelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut